

O'ZBEKISTON RESPUBLIKASI
TOSHKENT VILOYATI
CHINOZ TUMANI
HOKIMI



ХОКИМ
ЧИНАЗСКОГО РАЙОНА
ТАШКЕНТСКОЙ ОБЛАСТИ
РЕСПУБЛИКИ УЗБЕКИСТАН

111600 Sh.Rashidov ko'chasi, 12 uy, tel: (70) 593-22-99, faks: (70) 593-12-00, E-mail: chinoz111600@umail.uz

“23” 10 2020 yil

Chinoz t.

1-16/262 -son

Ўзбекистон Республикаси
Энергетика вазири

А.Султановга

Хурматли Алишер Саидаббасович!


Сўнгги йилларда мамлакатимизда ҳудудларни комплекс ижтимоий-иқтисодий ривожлантириш, аҳолининг **яшаш шароитларини** тубдан яхшилаш, турмуш даражасида сезиларли ижобий ўзгаришларга эришиш бўйича изчил чора-тадбирлар амалга оширилмоқда.

Тумандаги фуқароларнинг ҳаётини муаммо ва эҳтиёжларини ҳал этиш, аҳоли билан очик, тўғридан-тўғри мулоқотни кучайтириш ҳамда аҳолини қийнаб келаётган муаммоларни аниқлаш мақсадида олиб борилган ўрганишлар натижасида табиий газ билан таъминлаш борасида кўплаб эътирозлар аниқланмоқда.

Туманда битта газ тақсимлаш станцияси (ГРС) мавжуд бўлиб, мазкур ГРСдан туманнинг энг охириги нуктасига табиий газ етиб бориши масофаси 45-50 км.ни ташкил этади. Оралиқ масофа узок бўлганлиги сабабли куз-киш мавсумида 6683 та хонадонларда табиий газ танқислиги мавжуд. Қолаверса ушбу ҳудудда жойлашган 24 та мактаб ҳамда 11 та МТМларда куз-киш мавсумида газ босимининг паст бўлиши ота-оналарнинг ҳақли эътирозларига сабаб бўлмоқда.

Шунингдек, газ босимининг пастлиги туманни иқтисодий-ижтимоий ривожлантириш бўйича тасдиқланган инвестиция лойиҳаларини амалга оширишда ҳам салбий таъсир кўрсатмоқда. Мисол учун, “Pronto Textil group” МЧЖ ҚК томонидан “трикотаж маҳсулотларини бўйаш цехи ташкил қилиш” инвестиция лойиҳаси учун юқори босимли узлуксиз газ билан таъминлаш зарур. Мазкур лойиҳа 10,0 млн.АҚШ доллари миқдорида тўғридан-тўғри хорижий инвестициялар ҳисобидан амалга оширилади. Лойиҳа ишга тушиши натижасида 350 та янги иш ўринлари яратилади, корхона томонидан йилига 150 млрд.сўмлик саноат маҳсулотлари ишлаб чиқарилади ҳамда бюджетга 22,5 млрд.сўм миқдорида солиқ ва бошқа мажбурий тўловлар тўланиши таъминланади.


Туманда кўшимча газ тақсимлаш станцияси қурилса 14 та маҳалла фуқаролар йиғинларидаги аҳолини, 24 та мактаб ҳамда 11 та МТМларни узлуксиз газ билан таъминлаш имконияти яратилади. Янги қуриладиган ГРСдан **саноат коллектори** ажратиш орқали 11 та саноат корхоналари фаолиятини



яхшилаш, инвестиция лойиҳаларини амалга ошириш, янги иш ўринлари яратиш, саноат маҳсулотлари ишлаб чиқариш ҳажмини бир неча баробар ошириш, бюджетга қўшимча тушумлар ундиришга эришилади.

Туман аҳолисининг энергия ресурсларига бўлган эҳтиёжини тўлиқ қондириш, саноат корхоналарини юқори босимли газ билан таъминлаш орқали саноат маҳсулотлари ишлаб чиқариш ҳажмини ошириш мақсадида Сиздан туманимизга қўшимча бир дона **газ тақсимлаш станцияси** қуришда амалий ёрдам беришингизни сўрайман.

Туман ҳокими

A handwritten signature in blue ink, consisting of stylized, overlapping loops and a long horizontal stroke at the bottom.

А.Мадиев